



UPA 2015/143

Tillie Martinussen

26. maj 2015

Meeqqap illugiimmik angajoqqaaminik takunninnissaanut pisinnaatitaaffeqarnera naapertorlugu, tamannalu meeqqamut pitsaanerussappat, qanoq ililluta Inatsisartuni pilersaarusiussisarnermut pitsanngorsaaqataasinnaavugut. Taamatuttaaq ataataasut meeqqaminnik attavigissaarnerunissaannut pitsaanerusunik periarfissiissagutta meeqqaminnik tigummiqaarsinnaanerit eqqarsaatigalugu ilaqutariit pillugit inatsisaatigut qanoq nutarterisinnaavugut. Aaqqiagiinngittoqartillugu isumaqatigiissitsiniarnissanut periarfissaqarnerunissaq, taamatullu meeqqap peqatiginissaagaluanik eqquutsitsisoqanngippat iliuseqarnissamut periarfissiinissat Inatsisartuni sulissutigisariaqarpagut.

(Inatsisartuni ilaasortaq Aaja Chemnitz Larsen, Inuit Ataqtigiiit)

Demokraatini siunnersuuteqartoq qutsavigaarput oqallissaarut manna qaqimmagu aamma taamaattumik neriuppugut pitsaasumik kinguneqarluartumillu oqallikkumaartugut.

Demokraatini ilalerparput ataataasut anaanaasutulli isumassuisutut pingaartigimmata aamma aaqqiagiinngittoqartillugu isumaqatigiissitsiniartartutut ilinniarsimasut amerlanerusariaqartut, neriuppugullu tamanna iluatsissinnaajumaartoq. Isumaqarpungulli tamanna ajornaatsuinnaanaviangitsoq. Pissutsit assigiinngitsut eqqarsaatigisariaqarpagut; anaanaasoq ataataasorlu qimassimatillugit aaqqiagiinngittoqartillugu isumaqatigiissitsiniartartoq illoqarfimmioqataassava? Matumani annermik eqqarsaatigaagut illoqarfiit minnerit, nunaqarfiit isorliunerusullu.

Aaqqiagiinngittoqartillugu isumaqatigiissitsiniartartoq qanittumiittoq taamatut sulinertik pissutigalugu iluarineerussinnaapput taamaattumik aaqqiiniartarsinnaapput angajoqqaat/angajoqqaatut oqartussaasut pinerullugit, meeraq pinerunagu. Soorunami taamapisoqassanngilaq. Taamaattumik pisariaqarpoq ilinniarnep pitsaasuunissaa aallaqqaataaniillu nanertuutunik oqilisaanermi attaveqarluarnissaq, piginnaasanik aserfallattaaliinissaq sulianilu artornartuni inatsisilerituumik ikiorneqarsinnaanissaq.



Alla pingaarnersooq tassaavoq, angajoqqaat avittut imaluunniit averusertut isumaqatigiippiarsinnaasannimmata. Ilaqutariinnut inatsimmi nutaami ilanngunneqartussaangitsut - immikkoortumi piginnaasat naammannimmata kivitsisoqarsinnaanginnera innersuussutigalugu - imaassinnaavoq avittoqartillugu meeraq eqqarsaatigineqanninnerpaasoq.

Demokraatini isumaqarpugut inatsisinut ilanngunneqartariaqartoq Ombudsmandip aamma eqqartuussiviup aalajangiisup periarfissaqartillugu isumaqatigiissitsiniartarsinnaasasut aamma isumaqarpugut angusassanik siunertaqarluni isumaqatigiissitsiniartarnermut ilinniartitsinerit aallartittariaqartut, sulianik ingerlatsisinnaasunik, meeqqat iluaquserumallugit. Isumaqatigiissitsiniartartoq siusinaarluni aallartissinnaappat angajoqqaallu oqaloqatigalugit, suliaq artornarsivallaartinnagu aallartinneqartalissagaluarpoq.

Tassani ineriartornermi IT aamma atorneqarsinnaanginnerluni? Aap, apeqqut ammasuuvoq, nassuerutigalugu nunamut maannga aaqqiagiinngittoqartillugu isumaqatigiissitsiniartartunik tikisitsisinnaagunanginnerput, naak anguniarneqaraluartoq.

Aamma ajornartorsiutitut isigaarput illuatungaani ilaqutariit isasoorsimatillugit meeraq pillugu aaqqiagiinngitsoqartillugu isumaqatigiissitsiniarsinnaanatalu aappaatigut naatsorsuutigisaratsigu angajoqqaat najugaq pillugu isumaqatigiissinnaajumaartut - taasa illoqarfigisaq nunaluunniit Naalagaaffeqatigiinni, angajoqqaajusup aappaata angajoqqaatut oqartussaaneq tiggummippagu. Isumaqatigiittoqarsinnaangippat paasinninnerput naapertorlugu angajoqqaatut oqartussaasup qanoq pisoqarnissaa aalajangissavaa; meeqqamut pitsaassagaluarpalluunniit angajoqqaap aappaanik angajoqqaatut oqartussaangitsumik meeqqap peqateqartarnissaa. Tamannali qularnaassallugu angajoqqaanut ajornakusoortupilussuusinnaavoq akisullunilu. Aamma meeqqap angjoqqaani peqatigissaarsinnaavai, meeqqamut iluaqutaassagaluarpalluunniit anaanaminik ataaminillu peqateqartarnissani.

Tassani aaqqiagiinngittoqartillugu isumaqatigiissitsiniartarnissaq angajoqqaallu akornanni oqaloqatigiinnissaq meeqqamut aqqutissaavoq taamaattumik aamma pingaartutut isigaarput immikkoortumi aaqqiagiinngittoqartillugu isumaqatigiissitsiniartartoqarnissaa.



Tulluutinngillat aamma takusinnaareerparput ajornartorsiutingaatsianngorumaartoq meeqqamut pitsaanerusup tunngaviusarnissaa.

Taamaattumik uani siunnersuuteqartoq ilalerumavarput kaammattuutigalugulu, inatsimmut ilanngunneqassasoq Ombudsmandip kiisalu Kalaallit Nunaanni eqqartuussiviup aaqqiagiinngittoqartillugu isumaqatigiissitsiniartarsinnaassasut, qularnaarlugulu sulinermi tamatuma periarfissaanissaa.